



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvatvor Lib. Sententiarvm M. Petri Lombardi

Spina, Claudius de

Parisiis, 1551

Distinctio. 1. Cuius distinctio prima tradit de vniuersali obiecto theologiæ,
scilicet de rebus & signis.

urn:nbn:de:hbz:466:1-38840

Docilitatem à dicendorum breuitate & ordine.

tentias, appositis eorum testimoniis, vt non sit necesse quærenti librorum numerositatem euoluere, cui breuitas quod quæritur offert sine labore. Vt autem quod quæritur facilius occurrat, titulos quibus singulorum librorum capita distinguuntur præmisimus.

DE OBIECTO
Theologiæ.

DISTINCT. Primæ
CAP. Primum.

Theologia aut de Rebus, aut de Signis est.

Diuiditur materia operis. Quid Res. Quid Signum. Signorum genus multiplex.

Veteris ac nouæ legis continentia circa res vel signa præcipuè versatur: vt docet August. de Doctr. Christ. Sed res etiam per signa discutuntur. Res autem dicuntur quæ non ad significandum aliquid adhibentur: Signa verò, quorum vsus est in significando. Eorum autem aliqua sunt, quorum omnis vsus est in significando, non in iustificando, quibus non vtimur nisi aliquid significandi gratia: vt sacramenta legalia: Alia, quæ non solum significant, sed conferunt

*Lib. 1.
cap. 2.*

quod intus adiuuet, vt Euangelica sacramenta. De his ergo nobis aditum ad res diuinas aliquatenus intelligendas, Deo duce, aperire volentibus, differendum est. Et primum de Rebus, postea de Signis differemus.

CA P. Secundum. Frui & Vti differunt.

Rerum autem (vt ibidem ait Aug.) alia sunt quibus fruendum est, quae nos beatos efficiunt, vt Personarum Trinitas communis omnibus fruentibus. Alia quibus vtendum, quae nobis adiumento sunt ad vitam beatam consequendam. Aug. Vtendum est hoc modo, non fruendum, vt inuisibilia dei per ea quae facta sunt intellecta, conspiciantur. i. vt de temporalibus aeterna capiantur. Et idem alibi: Fruimur cognitis, in quibus ipsis propter se voluntas delectata conquiescit: Vt mur autem his quae ad aliud referimus quo fruendum est. Vnde Frui est amore alicui inhaerere propter se ipsam. Vti vero est id quod in usum venit referre ad obtinendum illud quo fruendum est, alia Abuti est. Rerum item alia sunt quae fruuntur & vtuntur: vt nos,

*Res sunt
multipliciter
ces.*

*Quid Frui.
Quid Vti.*

Lib.1.
Cap.4.
Ro.1.
Lib.10
de Tri.
Ca.10.

0.1.
2.

E P I T O M E

Angeli, & Sancti, quasi inter vtrasque constituti.

CAP. Tertium. Homine non est simpliciter fruendum.

CUM autem homines qui fruuntur & vtuntur aliis rebus, res aliquæ sunt, quæritur vtrum se frui debeant, an vti, an vtrūque. Ad quod sic respondet Aug. libr. de Doctr. Christi. Si *Ca. 22.* propter se homo diligendus est, fruimur eo: si propter aliud, vtimur eo. Videtur autem mihi propter aliud diligendus. Quod enim propter se diligendum est, in eo constituitur beata vita. Neq; huic cōtrarium videatur quod ad Philemon. ait Apost. Itaque frater ego te fruar in domino: quia addendo in domino, se eo frui significauit: quū enim (vt ait Aug.) *Li. I. de* homine frueris in domino, deo potius *doctri.* quàm homine frueris. *Christ.*

Ca. 33.

CAP. Quartum. Deus non fruitur nobis, nec propriè vtitur.

QUÆRIT Aug. quomodo Deus nos diligit, an vt vtens, an vt fruēs. Et procedit ita: Si fruitur, eget

bono nostro, quod nemo sanus dixerit.
Psal. 15 Ait enim *Psal.* Bonorum nostrorum non
 indiges. Omne enim bonum nostrum
 vel ipse est, vel ab ipso est. Non ergo frui-
 tur nobis. Utitur igitur: aliàs si non frui-
 tur nec utitur, non inuenio quomodo di-
 ligat nos. Utitur igitur nobis, non autem
 ut nos rebus aliis quibus utimur ad dei
 bonitatem perfruendam: sed nobis uti-
 tur, ad suam bonitatem usum nostrum re-
 ferendo. Isque usus quo sic nobis utitur
 deus, ad eius tantummodo bonitatem est:
 non autem ad suam, sed nostram utilitatem.

*CAP. Quintum. Virtutibus non
 est fruendum.*

Quibusdam videtur quod virtuti-
 bus sit utendum, non fruendum:
 quia propter se non sunt aman-
 dae, sed propter aeternam beatitudinem,
Li. 1. de sententiam confirmantes autoritate *Aug.*
doctri. dicentis non fruendum nisi Trinitate.
Christ. Aliis autem contrarium videtur fultis
Cap. 33 autoritate *Ambrosij cap. 5. ad Gal.* Fru-
 ctus autem Spiritus est charitas, gaudium:
 Fructus autem propter se petendi sunt,
 igitur propter se amandi. Dicimus itaque
 quod virtutes propter se & petendae &

E P I T O M E

amandæ sunt, quia delectant sui possessores, & eis pariunt gaudium spirituale, & tamen amandæ sunt propter solam beatitudinem: quia non est hic consistendum, fruendo illis: sed ultrà gradiendum. Nam per eas fruendum est summo bono. & ita de voluntate bona dicimus. Vnde Aug. lib. I. cap. I. de Trinit. ait: Voluntas est per quam fruimur. & ita per *1. Io. 4.* virtutes fruimur, non eis, nisi fortè aliqua *Lib. I.* virtus sit deus, vt charitas, de qua post *dist. 7.* tractabitur.

DE REBUS FRVIBILIBUS.
i. vnitæ Diuinæ Essentiæ
& Personarum trinitate,
inuestigabilibus ex
Scripturis.

D I S T I N C T. Secundæ
C A P. Primum.

*Inquiritur
diuinæ es-
sentiæ vni-
tas, & per-
sonarum
pluralitas,
primò au-
thoritatib⁹.*

*In personarum Trinitate vna est
essentiæ deitatis.*

HOc itaque pia ac vera fide tenendum est, quòd Trinitas sit vnus & *Cap. 2.*
solus verus deus, vt ait Aug. I. de *Cap. 4.*
Trinit. scil. Pater, Filius, & Spiritus san-